

دھرتی جائے دی چنتا" دیس دیاں واراں "اک ویر ورا

[illegible]

سعید بھٹناہوراں دی پہلی گھالنا 'کمال کہانی' دے روپ وچ ساہنے آئی۔ 'کمال کہانی' میں کمال دین دیاں من پرچاوے لئی جوڑیاں تے سانبھیاں کہانیاں نہیں ہین۔ ایہہ کہانیاں اپنے اندر تاریخی، سیاسی تے معاشرتی رچار کھدیاں ہین۔ تاریخ دے بہت سارے اجیے کچھ جیہڑے ساڈی لکھتی تاریخ داحصہ نہیں ہین، بڑے جج تے سچائی نال ایہناں کہانیاں وچ ملدے ہین۔ میں کمال دین ورگے کئے لعل رُل گئے ہین، جیہڑے ساڈی وسوں دی یرانے ویلے توں اجو کے سمے تائیں دی تاریخ زبانی سانبھی بیٹھے سن۔

پنجابی لوک ادب راہیں عام بندے دی ہڈ واپری نُوں سانجھن دا پہلا کم ___ اے ڈی اعجاز ہوراں 'کمال بلیندی' تے 'جھانجے چھتے' سودھ کے کیتا سی۔ اوس توں مگروں پروفیسر شارب ہوراں او سے پاہے ٹُر کے 'بار دے ڈھولے' تے 'کنیں بُندے' مشتاق صوفی ہوراں 'بار دے گیت' سودھ کے بار دے جیون دی سانجھ داکم کیتا۔ ایہناں دے کم اپنی اپنی تھاویں سلاہن جوگ ہین، پر 'کمال کہانی' دے آون نال پنجابی ادب دے لکھاریاں نُوں اک نویں چتاؤنی ملی۔ زبانی تاریخ دے نویں دیستان دا مڈھ بجھا۔ نشر لکھن والیاں مئیں کمال دین دی کلاسیکی ونک دی گل کتھ توں ڈھیر لاجھ چکيا۔ کہانی کہن تے لکھن والیاں ___ کہانی دانواں ڈھنگ سکھیا۔ سبھ توں اُچیچی گل ایہہ وے یی پہلی پھیری بار دے وسنکاں دی تاریخ تے نفسیات ساہنے آئی۔

سعيد بھٹا، ہوراں دا دوجا بھرواں کم 'دیس دیاں واراں' دی پہلی جلد ہے۔ ایہہ جلد 'نورے چدرڑ دی وار (1)----- میر بہرام، نورے چدرڑ دی وار (2)----- میاں جانی، بھٹیایں بلوچاں دی وار'، بھٹیایں نسوانیاں دی وار، لیریاں منگیاں دی وار' تے 'لیریاں اعواناں دی وار' ایہہ چار واراں 'میرجو غطہ' ہوراں دیاں سرجیاں ہوئیاں ہین۔ ایہناں واراں دے پاتر تے قبیلے تحصیل

پنجابی ادب وچ 'وار' باراں دی زِرِ پکھی شعری ونڈ آکھی جاسکدی ہے، جیہیں نے اپنے کلاوے وچ باراں دی تہذیب، قبیلیاں دی تاریخ، بدلیسی حملیاں دے ہلے، مقامی سورمیاں دے بل، شریکے دی نفسیات، باراں دا جاگیر داری نظام، حاکماں دے نمائنداں دا باراں دے وسنیکاں نال ورتارتے سیاسی کھچ دھرو نوں سانجھیا ہویا ہے۔ 'دیس دیاں واراں' دے کلاکار ایس پکھوں وی اُچھ رکھدے ہین کہ 'وار' دی شعری صنف لئی اوہناں دیاں ورتیاں اصطلاحواں وکھریاں ہین۔ جیویں 'وار' لئی 'پوڑی' تے مصرعے لئی 'اٹ' وارتے پوڑی تاں اک دُوجے دے بدل لئی ساڈی تاریخ وچ ورتیندے آئے ہین پر مصرعے لئی 'اٹ' دا ورتار پنجابی ادب نوں نویں دین ہے۔

'دیس دیاں واراں' کہن نُوں تے جھنگ دے مقامی قبیلیاں دے جیون تے نفسیات دی کتھا ہے، جیہڑی زبان تاریخ دان راہیں ساڈے تائیں اپڑی ہے۔ 'وار' دے تاریخ دان نے صدیاں توں سینہ بہ سینہ قبیلیاں دی تاریخ نوں سانجھ کے نہ صرف سیاسی تاریخ تے رہتل دے کچھ پورے ہین سگوں 'پٹوار'، 'پلس' تے 'مالئیے' دیاں اجیسیاں اصطلاحواں توں سانوں جانو کروایا ہے، جیہڑیاں مٹدی تاریخ نال مٹ رہیاں سن۔

'دیس دیاں واراں' دے شاعران دا سبھ توں اگھڑواں انگ زچکھی ہونا ہے۔ سُسٹھرے سبھا دافن پارہ تخلیق دے عمل وچوں لنگھ کے اودوں ای وجود پائے گا، جدوں اوس دافنکار اپنے جذبیاں نوں سورمیاں دی سورمیاں توں اڈرکھے گا۔ 'دیس دیاں واراں' دے فنکاراں دے اپنے جذبے کدھرے وی آبیوں باہرے نہیں ہوندے نظریندے۔ اوہناں دے تپاس دا ہتھ تکلڑی نوں کان نیں

پون دیندا۔ 'وار' دے سبب توں لے کے جنگ دے منظر تے جنگ توں مگروں دے حالات بڑی ایمان داری نال بیان کردا نظر بندا ہے۔ میری جاچے ایہناں توں سچا تاریخ دان کوئی نہیں ہے، جد کہ لکھتی تاریخ جھولاں نال بھری ملدی ہے۔

جی وی وڈی نر پکھتا دی ذمہ داری وار کار دے موڈھیاں اُتے ہوندی ہے، اوس توں کدھرے بھاری ذمہ داری سودھ کار دے اُتے وی آؤندی ہے۔ 'دیس دیاں واراں' دے سودھ کار سعید بھٹا ہوراں ___ وار کار وانگوں اپنے کم نال بھرواں تپاس کیتا ہے۔ نر پکھتا ئی تے سچائی توں اپنے قلم نوں گراہے پون نہیں دتا۔ ایہہ کم اک دھرتی جایا ای کر سکد اسی۔ سعید بھٹا ہوریں 'دیس دیاں واراں' وچ اک دھرتی جائے دے روپ وچ ساڈے ساہنے آکھلون دے ہین۔ اپنی جُوہ تے لوکا ئی نال انتاں داپیار کر دے ہین۔ پیار دے ہڑھ وچ وگدیاں کدھرے انیاں نہیں کر دے۔ انصاف نوں ہتھوں نہیں چھڈ دے۔ کھوج دے تقاضیاں نوں پوری ایمان داری نال نبھاندے ہین۔

کھوج داکم اُدھم، سنجیدگی تے انصاف دی منگ کر داہے۔ ساڈے پنجابی ادب وچ سنجیدہ کھوج داکم بہت گھٹ ہو یا ہے، جیہناں سنجیدہ کھوج داکم کیتا ہے، اوہناں کھوج دے کسے باقاعدہ اصول اُتے تُر کے نہیں کیتا۔ ایہہ گل نہیں پئی اوہناں دی گھالنا بے ٹلی ہے ___ اوہناں داکم وی اپنی تھادیں سلاہن جوگ ہے۔ 'دیس دیاں واراں' دے سودھنہار نے کھوج دے جیہناں اصولاں نوں لکھ رکھ کے ایہہ کم سرے چڑھایا ہے، نویں کھوج کاراں لئی ایہہ اصول چانن داکم کرن گے۔

سعید بھٹا ہوراں 'دیس دیاں واراں' سودھ کے پنجابی لسانیات نوں چنیوٹ تے جھنگ دی لفظالی نال امیری دتی ہے۔ واراں وچ ورتی لفظالی کلاسیکی سہ توں اجو کے دور تائیں پرچلت ملدی ہے۔ پنجابی نوں ایہہ دین سلاہن جوگ ہے۔ اجیہا بھوں وڈ ملاذ خیرہ حالی اکھوں پر وکھا ہے۔ جیوں جیوں کھوج دا سنجیدہ کم ہوند اجائے گا۔ پنجابی زبان، ادب تے تاریخ دے نویں پرت کھلھدے جاسن۔ نواں جہان روش ہوند اجاسی۔ آس وندھاں اوہناں دیاں آون والیاں کتاباں 'بار کہانی' تے 'نابر کہانی' اک نویں پنجاب نوں لے کے آؤن گیاں۔